

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Tvmvlvs Hermetis Apertvs


Gassmann, Franz

[S.l.], 1675

Praefatio

[urn:nbn:de:bsz:31-99903](https://nbn-resolving.org/urn:nbn:de:bsz:31-99903)

PRÆFATIO.

 Andide Lector. Ecce iterum novum Athletam; nuper in hanc arenam descendere persuasus sum, fateor, nunquam enim fui intentionatus sub vexillo calami famam capessere, eò quod à longo tempore Scriptores Chemicì malè audiant & pro Impostoribus Synonymè accipiantur; An jure vel injurià hoc fiat, judicent prudentes. Causa verò hujus Encomii videtur esse sequens; plurimi enim ita procedunt: Vbi per aliquot annos, crumenà & Sanitate exhausti, omnes anfractus cerebri evacuarunt merasque inanitates ubiq; jam relictas tenent, ne famam longo labore partam protinus etiam amittant, ar-
ripiunt

ripiunt calamum & conjiciunt in char-
tam speciosos suos Processus, unicuiq;
obicem ponentes, ne vilipendatur, sed
pondus acquirat sua obscuritate; & li-
cet lucrum aliquando parvum exinde
emergat, malunt tamen tueri suam re-
putationem & tales haberi quales non
sunt, cum ingenti læsione conscientiæ,
quàm ingenuè erroneas confiteri vel ta-
cere. concludunt forsan sic: Si nil aliud
reporto à meis furnis, manebit tamen
mihi titulus viri docti & eloquentis,
quis scit, quo modo mihi poterit prod-
esse, licet non in hâc Provinciâ, juxtâ
Poetam. Semper tibi pendeat hamus,
quo minimè credis gurgite, piscis erit.
Ego verò à juventute usque paucilo-
quus, in progressû sinistrum omen di-
cacitatis Scholasticæ notans, depre-
hendi eam ut plurimum demonstratio-
ne reali orbatam, pauperioremque
Codro, ideoque rejectâ illâ, statui rem
ipsam

ipsam potius venari quam verba, nec
secundante DEO, defuit successus, non
enim darem meam Scientiam realem
pro toto gazophylacio rhetorico & lo-
gico; utrumque laudo, sed non compa-
ro. Quia verò hâc literariâ tempe-
state plurimos video navigare sine re-
mis, solo opinionis vento promotos,
paucosque scire quorsùm tendant, sed
tanquam Pyratas sub incertâ elevatio-
ne oberrare, sibi que per Praxin istam
fatuam, aliquam nauticæ Scientiæ fa-
mam, conciliare. Proinde ne ju-
ventuti credulæ, plus justo nebularum
vendant & multitudine mendaciorum
suorum, veritatem nostram Physicam
ex memoriâ mortalium planè eripiant,
induxi tandem animùm venalis esse,
non ut mihi gloriolam ex hoc musta-
ceo quæram, sed ut errantem inter
tot myriades Scriptorum in viam re-
ctam deducam, & à scopulis naufraga-
gosis

gosis custodiam. Dubitavi quidem diù an inter tot nugatores proflare velim & iudicium vulgare tolerare, sed vicit amor proximi quærentis, quod enim mihi placuisset, & aliis non displicebit. Dolendum certè est, quod Sartores, Sutores ac Cerdones longè sint honestiores quàm plurimi nostrorum Scribentum, servant enim quæ promittunt & propterea honorem merentur, sed hi putant suo muneri satisfecisse, si disertè, tersè ac callidè multà volumina typis evulgent; an verum sit vel falsum quod scripserint, nil spectare ad ipsos, sed plebejis convenire, se verbis alligare & promissis stare; quasi verò generosa nobilitas ex cammerina mendaciorum ortum suum duxisset. Iurant quidem nonnulli per totam Oeconomiam cœlestem & sæcùs iudicantes deovent ad infima Tartara: Verùm enim verò quam turpiter

ter ego & alii per nequissimas has hominiformes bestias decepti simus, non est hujus loci, fieret enim volumen, non tractatulus. Stultissima res est & insuper inexcusabile piaculum, scribere verba sine re & scienter posteris imponere. Amore DEI; quid cogitatis Christiani, si iudex supremus ab omni verbo otioso rationem postulat, quid vobis fiet, qui integra volumina, sine re, posteritati venditis, & dulcissima pignora amoris, ætate, sanitate, pecuniâ, honore & vitâ privatis! quis nostrum est, qui non doleat, de hoc vel illo Authore, quod seductus ab eo sit per multos annos? quoties ego exclamo? O mihi præteritos referat si Iupiter annos! non quod ipsos Venere & Bacho inutiliter triverim, sed quod per multos frustraneos labores, ex istis maledictis libris haustos, tempus & sanitatem destruxerim.

Sed quid vos librorum sputatores an-
git, quod tacere non potestis, si nil nisi
verba quæ pectus non exsaturant, de-
promere vultis? Sola certè ambitio
vos strangulat & boare facit, aliàs nil.
de vobis verum est Germanicum pro-
verbium, **Viel Geschrey und wenig
wolle.** Expectate modò, crudeles po-
steritatis hostes, Dies suprema vobis
dabit mercedem & Tabulam primam
Decalogi ita explicabit, ut secundâ
non indigeatis. nunquid satius fuisset,
tacendo Philosophus manere, quam
scribendo impostor fieri: qui arcana
non vult evulgare, si quidem maximum
arcanum est, arcana arcanis tegere, il-
le etiam sua mendacia domi servet iis-
que pinguescat. Longè melius con-
sultuit suæ famæ ac conscientiae lumen
illud Belgicum Helmontius, licet non
unusquisque ipsum assequatur, vera ta-
men scripsit; non enim est necessum
ut qui

ut quilibet è tribû Levi, similibus arca-
nis, pavonis in modum, gestiat, sed suf-
ficit veritatem ex propriâ experienciâ
posteris reliquisse, ne scientiæ & artes
pereant. Qui judiciosus & ad hoc ele-
ctus est, statuto tempore inveniet quod
quæsit vel altùm tacentibus Processu-
suum scriptoribus. De me hoc san-
ctè affirmare audeo, si librorum le-
ctioni speculationes prætulissem, eas-
que cum praxi copulasset, tot innu-
meros labores & miseras non sensis-
sem. Quare mactate animis, soda-
les charissimi, præmansum quidem nil
vobis præbeo, sed sequimini meum
consilium: relinquite vestros Processus,
considerate intellectualiter subjectum
quod vobis præmanu est, orate & la-
borate, facem vobis præferam, lo-
cum & materiam nomine signabo, mo-
dum etiam procedendi, quantum con-
scientia permittit, tradam. Nil scri-
bo

bo nisi vera & mea, a nemine nisi solo DEO, per improbos labores Herculeos, à multis annis insequenter exantlatos communicata. Fundamentum & τὸ σῆμα dederunt libri, de cætero nil. Ego verò in his paginis talia scripsi, qualia typis nunquam fuerunt consignata. Estote ergò hilares, seduli ac constantes, nec desperate quamvis non statim succedat, sed cogitate, quod secundùm Græcorum pro verbum, χαλεπὰ τὰ καλὰ, pulchra sint
difficilia.



CAP.